

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
OPĆINSKI SUD U KONJICU
Broj: 56 0 Su 059964 18 Su 2
Konjic, 31.01.2018. godine

IZVJEŠTAJ O RADU OPĆINSKOG SUDA U KONJICU ZA 2017.GODINU

I. UVOD

Općinski sud u Konjicu, shodno odredbama člana 22. Zakona o sudovima u Federaciji BiH („Službene novine F BiH“ broj 38/05, 22/06, 63/10, 72/10, 7/13 i 52/14), osnovan je za područje općina Konjic, Jablanica i Prozor-Rama.

Sjedište Suda je u Konjicu.

Prema odredbi člana 3. Zakona o izmjenama i dopunama Zakona o sudovima u Federaciji BiH („Službene novine F BiH“ broj: 7/13 od 13.01.2013. godine), Općinski sud u Konjicu je nadležan za područje općina Konjic i Jablanica, i ima odjeljenje izvan sjedišta suda u Prozor-Rami za područje općine Prozor-Rama, koje nije počelo sa radom, ali se svakog ponedjeljka i petka u Prozor-Rami održavaju sudski dani.

Shodno odredbama člana 27. Zakona o sudovima u Federaciji BiH, Sud je stvarno nadležan da postupa:

- u krivičnim predmetima za krivična djela za koja je propisana kazna zatvora do deset godina,
- u svim krivičnim predmetima prema maloljetnicima,
- u svim građanskim sporovima,
- u vanparničnim predmetima, i
- svim prekršajnim predmetima, izuzev predmeta iz oblasti carina i poreza.

U drugim predmetima:

- da provodi izvršni postupak
- da obavlja zemljišno-knjižne poslove
- da pruža pravnu pomoć sudovima u Bosni i Hercegovini
- da obavlja određene poslove međunarodne pravne pomoći, i
- druge poslove propisane Zakonom.

II. UNUTRAŠNJA ORGANIZACIJA I KADROVSKA OSPOSOBLJENOST SUDA

Za obavljanje poslova i zadataka iz nadležnosti Suda sada važećim Pravilnikom o unutrašnjoj organizaciji i sistematizaciji radnih mjesta, koji je donesen u oktobru 2017. godine, sistematizovana su slijedeća radna mjesta:

- 9 redovnih sudija, od kojih jedan sudija obavlja i dužnost predsjednice Suda
- 2 stručna saradnika
- 2 rukovodeća državna službenika,
- 3 ostala državna službenika,
- 34 namještenika,
- 1 pripravnik i
- 5 pripravnika-volontera.

Sva sistematizovana radna mjesta sudija i stručnih saradnika su popunjena.

U izvještajnom periodu u skladu sa Pravilnikom o unutrašnjoj organizaciji i sistematizaciji radnih mjesta, koji je važio do oktobra 2017. godine, Sud je poslove iz svoje nadležnosti obavljao u okviru slijedećih osnovnih organizacijskih jedinica:

1. Sektor sudija i sudskih stručnih saradnika
2. Odjeljenje sudske uprave i
3. Zemljišnoknjižno odjeljenje.

U oktobru 2017. godine donesen je novi Pravilnik o unutrašnjoj organizaciji i sistematizaciji radnih mjesta (u daljnjem tekstu: Pravilnik), kojim je u skladu sa Zakona o izmjenama i dopunama Zakona o sudovima u Federaciji BiH („Službene novine F BiH“ broj: 7/13 od 13.01.2013. godine), kao 4. osnovna organizacijska jedinica osnovano Odjeljenje izvan sjedišta suda u Prozor-Rami, za područje općine Prozor-Rama.

1. Sektor sudija i sudskih stručnih saradnika

U osnovnoj organizacijskoj jedinici, Sektor sudija i sudskih stručnih saradnika, radi ostvarivanja funkcije suđenja i odlučivanja o predmetima iz iste pravne oblasti, praćenja i proučavanja društvenih odnosa, pojava i problema, kao i sudske prakse, djelovala su slijedeća sudska odjeljenja:

1. Građansko odjeljenje, u okviru kojeg su obavljani poslovi parničnog, vanparničnog i izvršnog referata;
2. Krivično odjeljenje i
3. Prekršajno odjeljenje.

U skladu sa rasporedom rada sudija, stručnih saradnika i drugih zaposlenika u Sudu i Odlukom o raspodjeli predmeta u CMS-u sudijama i stručnim saradnicima broj: 56 0 Su 057602 17 Su od 14.02.2017. godine, u 2017. godini u građansko odjeljenje, na rješavanju parničnih, vanparničnih i izvršnih predmeta, bilo je raspoređeno šest sudija i dvije stručne saradnice. U skladu sa istom odlukom troje sudija, među kojima je i predsjednica Suda radili su na krivičnom odjeljenju, a dvojica sudija su istovremeno radila u krivičnom i prekršajnom odjeljenju. S obzirom na odredbe člana 25. ZKP-a FBiH, koje se odnose na sastav suda, postojanje sudije za prethodni postupak i prethodno saslušanje, odredbe koje se odnose na izuzeće, sve sudije građanskog odjeljenja su određivane za članove krivičnih vijeća, a po potrebi i kao sudije za prethodni postupak, odnosno sudeće sudije, kada je bilo neophodno izuzeti sudiju koji je raspoređen da radi na krivičnom referatu.

U toku 2017. godine sudije i stručne saradnice su odsustvovala sa posla radi redovne edukacije, dok drugih odsustvovanja, zbog bolovanja, ili nekih drugih razloga nije bilo.

2. Odjeljenje sudske uprave

U okviru Odjeljenja sudske uprave, u Općinskom sudu u Konjicu, kao unutrašnje organizacijske jedinice djeluju

- a) Pisarnica
- b) Računovodstvo
- c) Odsjek asistenata sudija-daktilografa
- d) Odsjek tehničkih i ostalih pomoćnih poslova u Sudu.

a) Pisarnica

U pisarnici Suda sistematizovana su slijedeća radna mjesta:

- šef pisarnice,
- viši referent-tehnički sekretar,
- viši referent za unos dokumenata i prijem pošte,
- viši referent za unos dokumenata i upravljanje dokazima,
- viši referent za upravljanje predmetima i otpremu pošte,
- viši referent za upravljanje predmetima,

- viši referent za unos dokumenata u prekršajnom odjeljenju,
- viši referent za izvršenje prekršajnih sankcija i
- viši referent- arhivar.

Sva sistematizovana radna mjesta su popunjena izuzev šefa pisarnice.

Pisarnica je fizički podjeljena na prijemni odjel i odjel za otpremu pošte i smještaj predmeta koji su u radu. Zbog bolovanja sa posla često izostaje viši referent za izvršenje prekršajnih sankcija, radi čega dolazi do zastoja u radu na izvršenju prekršajnih sankcija, pa se u mjeri u kojoj je to moguće drugi referenti pisarnice angažuju na tim poslovima.

c) Računovodstvo

U računovodstvu Suda sistematizovana su slijedeća radna mjesta:

- šef računovodstva,
- viši referent za materijalno-finansijske poslove
- viši referent sudski izvršilac (2 izvršioca).

Sva radna mjesta, koja su sistematizovana u okviru računovodstva, popunjena su. U ovom sudu i dalje postoji problem radnog mjesta referenta za materijalno-finansijske poslove, čije zadatke obavlja šef računovodstva, iako platu za to uredno prima zaposlenica ovoga suda, koja je bila raspoređena na to radno mjesto, a koja je suspendovana sa dužnosti prije skoro 8 godina, i protiv nje su pokrenuta dva disciplinska postupka, koji su obustavljeni do okončanja krivičnog postupka, koji se još uvijek vodi protiv nje, zbog krivičnog djela Zloupotreba položaja ili ovlaštenja iz člana 383. stav 1. i produženog krivičnog djela Krivotvorenje isprave iz člana 373. stav 1. Krivičnog zakona FBiH, a trenutno se predmet nalazi po žalbi na Vrhovnom sudu FBiH.

Računovodstveni poslovi se obavljaju u vrlo skućenom prostoru površine oko 4m². Zbog nedostatka radnog prostora dva sudska izvršioca svoj posao, kada nisu na terenu, obavljaju u drugoj zgradi, koja nije u vlasništvu Suda, zbog čega se pojavljuju određeni problemi u radu Suda i stvaraju dodatni troškovi.

d) Odsjek asistenata sudija-daktilografa

U Odsjeku asistenata sudija -daktilografa sistematizovano je 12 izvršilaca. Popunjeno je 9 radnih mjesta. S obzirom na činjenicu da se tehnički sekretar Suda nalazi na porodijskom odsustvu, jedna daktilografkinja je od oktobra 2016. godine raspoređen kod predsjednice Suda, a na njeno mjesto je na određeno vrijeme primljena jedna daktilografkinja. S obzirom da je u septembru 2017. godine jedan sudski izvršilac sporazumno raskinuo radni odnos u ovom sudu, na njegovo radno mjesto raspoređena je jedna daktilografkinja, pa je raspisan javni oglas za prijem jednog daktilografa na neodređeno vrijeme, jer putem internog oglasa nije došlo do popune tog radnog mjesta. Procedura povodom javnog oglasa je završena, ali izabrana kandidatkinja nije još započela sa radom, jer se predmet po žalbi jedne od kandidatkinja nalazi kod Odbora državne službe za žalbe. Zbog čestih bolovanja dvije daktilografkinje, javlja se problem rasporeda daktilografa koji su prisutni na radu. Daktilografi svoje poslove i radne zadatke obavljaju u kancelariji sudije, kod kojeg su raspoređeni. Stručne saradnice dijele jednu kancelariju i jednog daktilografa.

d) Odsjek tehničkih i ostalih pomoćnih poslova

U Odsjeku tehničkih i ostalih pomoćnih poslova sistematizovana su slijedeća radna mjesta:

- viši samostalni referent za informacijske i komunikacijske tehnologije,
- viši referent –portir- ekonom,
- viši referent- kurir-vozač i
- spremačice radnog prostora (2 izvršioca).

Sva sistematizovana radna mjesta su popunjena. Viši samostalni referent za informacijske i komunikacijske tehnologije (CMS administrator), nema adekvatne uvjete za rad i zbog nedostatka radnog prostora, svoje poslove obavlja u kancelariji u kojoj je smješten i arhivar ovog suda. Viši referent-kurir-vozač, takođe nema svoju radnu kancelariju, i kada nije na terenu boravi u dijelu

pisarnice za otpremu pošte gdje pomaže u radu prilikom otpremanja pošte. Spremačice radnog prostora isto nemaju prostoriju u koju bi odlagale svoj pribor koji koriste za održavanje kancelarija koje koristi Sud, tako da isti odlažu u podrumске prostorije zgrade suda, gdje se nalazi arhiva i prostorija za čuvanje materijalnih dokaza, a koji prostor se po pravilu za te namjene ne bi smio koristiti, jer bi u isti pristup trebali imati samo arhivar i referent za upravljanje dokazima, a druga lica samo po odobrenju predsjednice Suda.

3. Zemljišnoknjižno odjeljenje

U zemljišnoknjižnom odjeljenju sistematizovana su slijedeća radna mjesta:

- rukovodilac zemljišnoknjižnog odjeljenja,
- stručni saradnik zemljišnoknjižni referent,
- viši referent za vođenje zemljišnih knjiga,
- viši referent-zemljišnoknjižni asistent.

U januaru 2016. godine rukovodilac zemljišnoknjižnog odjeljenja ovoga suda otišao je u penziju, pa je to radno mjesto duže vrijeme bilo upražnjeno. Radi nesmetanog obavljanja poslova odjeljenja izvršena je izmjene ranijeg Pravilnika o sistematizaciji radnih mjesta, i nakon konkursne procedure koju je provela Agencija za državnu službu FBiH za šefa zemljišnoknjižnog odjeljenja je u oktobru 2016. godine postavljena dotadašnja stručna saradnica zemljišno knjižni referent, od kada je to radno mjesto upražnjeno. Agencija za državnu službu je nedavno završila konkursnu proceduru za izbor stručnog saradnika zemljišno knjižnog referenta, tako da bi nakon dužeg vremena uskoro trebalo biti popunjeno to radno mjesto. S obzirom da je novim Pravilnikom umjesto šefa odjeljenja sistematizovano radno mjesto rukovodioca odjeljenja, za kojeg kao rukovodećeg državnog službenika konkursnu proceduru provodi Agencija za državnu službu, u toku je konkursna procedura za to radno mjesto, pa se nadamo da će uskoro biti izabran i rukovodilac Zemljišnoknjižnog odjeljenja, a do tada te poslove obavlja šef odjeljenja. Referent za vođenje zemljišnih knjiga je u toku 2017. godine u više navrata odsustvovao sa posla zbog bolesti. Bez obzira na sve probleme sa kojima se u posljednje vrijeme susretalo zemljišnoknjižno odjeljenje ovoga suda isto ostvaruje izuzetno dobre rezultate, a što je vidljivo iz tabela gdje su navedeni njihovi radni rezultati.

U toku 2017. godine u Sudu je na obuci bilo 5 sudijskih pripravnika-volontera, koji svoju praksu obavljaju u skladu sa Pravilnikom o obuci i stručnom usavršavanju diplomiranih pravnikasudijskih pripravnika i pripravnika-volontera u Općinskom sudu u Konjicu broj: 056-0-Su-14-001371 od 19.12.2014. godine. Dvoje sudijskih pripravnika-volontera se na stručnoj obuci u ovom sudu nalaze od 04.04.2016. godine i ista će im trajati do 04.04.2018. godine, a troje pripravnika-volontera je stručnu obuku počelo obavljati 08.05.2017. godine, i dvoje njih će biti na obuci do 08.05. 2018. godine, a jedan pripravnik volonter će stručnu praksu u ovom sudu obavljati do 08.05.2019. godine.

4. Odjeljenje izvan sjedišta suda u Prozor-Rami

Novim Pravilnikom je regulisano da će u Odjeljenju izvan sjedišta Suda u Prozor-Rami, u kojem će se obavljati poslovi suđenja u krivičnoj i građansko-pravnoj oblasti, vanparničnim i ostavinskim predmetima, poslovi izvršenja, u okviru nadležnosti utvrđene Zakonom, poslovi prvostepenog suđenja za prekršaje, iz stvarne i mjesne nadležnosti ovog Suda, zemljišnoknjižni poslovi i poslovi pisarnice, broj sudija, odnosno stručnih saradnika, koji će obavljati sudijsku funkciju, biti određen odlukom predsjednice Suda o rasporedu poslova, iz postojećeg broja sudija, odnosno stručnih saradnika, koji su izabrani od strane VSTV BiH, u zavisnosti od broja i vrste predmeta i drugih okolnosti koje se mogu pojaviti u toku rada.

Za vršenje ostalih poslova iz nadležnosti Suda, koji će se obavljati u Odjeljenju suda u Prozor-Rami, sistematizovano je 5 radnih mjesta, sa statusom namještenika, i to:

- viši referent za unos dokumenata, prijem pošte i izvršenje prekršajnih sankcija;
- viši referent za upravljanje predmetima i otpremu pošte ;
- viši referent -asistent sudije-daktilograf ;
- viši samostalni referent za vođenje zemljišnih knjiga i

- viši referent-portir-kurir- ekonom.

Pravilnikom je, u Odjeljenje Suda u Prozor -Rami predviđen i prijem i 1 sudijskog pripravnika-volontera.

Vlada HNK-a je posljednjih godina u više navrata svojom odlukom zabranila zapošljavanje državnih službenika i namještenika , pa kako postoje izgledi da će se to nastaviti i u narednom periodu, teško se može očekivati da će radna mjesta koja su od ranije upražnjena u ovom sudu, kao i radna mjesta sistematizovana novim Pravilnikom u Odjeljenju suda u Prozor-Rami, i pored svih nastojanja ovoga Suda da do toga dođe, u dogledno vrijeme biti popunjena.

III. OSTVARENJE KOLEKTIVNE I POJEDINAČNE NORME

U 2017. godini kolektivna normu Suda iznosila je 98,59 %.

Ukupno je riješeno 17386 svih vrsta predmeta i to:

- 1255 predmeta parničnih;
- 753 predmeta krivičnih;
- 2285 predmet izvršnih;
- 919 predmeta vanparničnih;
- 970 prekršajnih predmeta
- 11204 zemljišno-knjižnih predmeta.

U tabelama koje slijede, za svakog sudiju pojedinačno i za stručne saradnike, navedene su vrste predmeta koji su im shodno Odluci o raspodjeli sudskih predmeta u CMS-u u toku 2017. godine dodjeljivani u rad, broj riješenih predmeta i norma koju su ostvarili.

Predsjednica Suda, sudija Almina Čilić

| Referat | Riješeni predmeti | Ostvarena norma |
|---------|-------------------|-----------------|
| K | 68 | 62,45% |
| Kpp | 16 | 3,66% |
| Kps | 72 | 20,78% |
| Km-Kpp | 1 | |
| Km | | 0,44% |
| Pr-Mpom | | |
| Ips | 2 | |
| Iks | 64 | 15,71% |
| O | | |
| V-Mpom | 20 | 3,41% |
| I-Mpom | 2 | 0,35% |
| K-Mpom | 1 | 0,17% |
| P-Mpom | 4 | 0,69% |
| Pr-Mpom | 3 | 0,53% |
| UKUPNO | 253 | 108,19% |

Sudija Amra Muratbegović

| Referat | Riješeni predmeti | Ostvarena norma |
|---------|-------------------|-----------------|
| P | 50 | 21,45% |
| Rs | 37 | 18,45% |
| P-Mo | 1 | 0,06% |
| Kpp | 96 | 10,05% |
| O | 344 | 30,75% |
| Kv | 9 | 1,33% |

| | | |
|--------|-----|--------|
| V | 52 | 7,99% |
| UKUPNO | 589 | 90,08% |

Sudija Elis Sultanić , predsjednik građanskog odjeljenja

| Referat | Riješeni predmeti | Ostvarena norma |
|---------|-------------------|-----------------|
| P | 47 | 22,39% |
| Rs | 52 | 33,51% |
| Ips | 136 | |
| Kpp | 1 | 1,03% |
| K | 1 | 0,85% |
| O | 10 | 1,30% |
| P-Mo | 3 | 0,13% |
| I | 355 | 60,77% |
| Ip | 51 | 9,54% |
| UKUPNO | | 129,53% |

Sudija Jasminka Pašić

| Referat | Riješeni predmeti | Ostvarena norma |
|---------|-------------------|-----------------|
| P | 46 | 17,98% |
| Mal | 167 | 23,90% |
| Rs | 26 | 12,76% |
| I | 4 | 0,78% |
| P-Mo | 2 | 0,59% |
| K | 4 | 1,75% |
| Kpp | 93 | 9,64% |
| Kv | 67 | 9,65% |
| Km-Kpp | 1 | 0,11% |
| UKUPNO | 410 | 77,16% |

Sudija Katarina Drmać

| Referat | Riješeni predmeti | Ostvarena norma |
|---------|-------------------|-----------------|
| P | 59 | 23,89% |
| Rs | 85 | 46,93% |
| Mal | 38 | 5,75% |
| O | 37 | 3,37% |
| I | 119 | 19,85% |
| Ip | 8 | 1,55% |
| P-Mo | 4 | 1,17% |
| UKUPNO | 350 | 102,51% |

Sudija Mile Anić, predsjednik krivičnog odjeljenja

| Referat | Riješeni predmeti | Ostvarena norma |
|---------|-------------------|-----------------|
| K | 67 | 44,60% |

| | | |
|--------|-----|--------|
| Km-Km | 2 | 1,34% |
| Kps | 52 | 7,96% |
| Kbs | 7 | 0,65% |
| O | 193 | 18,18% |
| Pr | 127 | 16,34% |
| Ips | 125 | |
| P-Prpp | 17 | |
| Rs | 10 | 4,80% |
| I-Kom | 1 | 0,19% |
| UKUPNO | 601 | 94,06% |

Sudija Nesib Mustafić, predsjednik prekršajnog odjeljenja

| Referat | Riješeni predmeti | Ostvarena norma |
|---------|-------------------|-----------------|
| K | 67 | 35,69% |
| Kpp | 5 | 0,58% |
| Kps | 52 | 7,96% |
| Kbs | 6 | 0,56% |
| K-Kp | 1 | 0,15% |
| O | 125 | 11,48% |
| Pr | 345 | 44,46% |
| Ips | 215 | |
| UKUPNO | 816 | 100,88% |

Sudija Senada Brkan

| Referat | Riješeni predmeti | Ostvarena norma |
|---------|-------------------|-----------------|
| P | 49 | 25,04% |
| Mal | 46 | 31,78% |
| Rs | 207 | 21,14% |
| P-Mo | 3 | 0,98% |
| Mal-Mo | 1 | 0,18% |
| V-V | 1 | 0,12% |
| UKUPNO | 307 | 79,24% |

Sudija Senada Dautbegović

| Referat | Riješeni predmeti | Ostvarena norma |
|---------|-------------------|-----------------|
| Rs | 1 | 0,10% |
| I | 490 | 74,49% |
| Ip | 52 | 7,65% |
| V | 72 | 10,33% |
| O | 65 | 7,29% |
| UKUPNO | 680 | 99,86% |

Stručna saradnica Irma Čagalj

| Referat | Riješeni predmeti | Ostvarena norma |
|---------|-------------------|-----------------|
| Mal | 163 | 23,71% |
| I | 500 | 69,82% |
| Ip | 35 | 4,98% |
| UKUPNO | 698 | 98,51% |

Stručna saradnica Alma Mašić

| Referat | Riješeni predmeti | Ostvarena norma |
|---------|-------------------|-----------------|
| I | 621 | 74,96% |
| Ip | 47 | 6,56% |
| Mal | 154 | 22,94% |
| UKUPNO | 822 | 104,46% |

Iz sadržaja naprijed navedenih tabela vidljivo je da je na nivou Suda ostvarena norma ispod 100%, što se nikada ranije nije desilo, kao i da sve sudije i stručne saradnice nisu ostvarile propisanu godišnju orijentacionu normu. Kolektivna norma Suda za 2017. godinu iznosi 98,59%, dok je u 2016. godini iznosila 120,20 %. Razlozi za neispunjenje norme od 100% leže prije svega u činjenici da je u 2017. godini značajno smanjen priliv predmeta u odnosu na ranije godine, što je sudijama i stručnim saradnicama otežalo ostvarenje norme. U 2017. godini ukupan priliv je bio 4.429 predmeta, a u 2016. godini, bez 498 predmeta Rs koji su Sudu delegirani od strane Općinskog suda u Mostaru, priliv je iznosio 4.853 predmeta, iz čega proizilazi da je u 2017. godini u odnosu na 2016. godinu priliv manji za 424 predmeta, a u odnosu na 2015. godinu priliv je manji za 520 predmeta, dok je u odnosu na 2014. godinu priliv manji za 1.195 predmeta, čak i kada se iz priliva predmeta za 2014. godinu isključi 995 predmeta Rs koji su ovom sudu u 2014. godini delegirani od strane Općinskog suda u Mostaru.

U 2017. godini 5 sudija i jedna stručna saradnica su ostvarili godišnju normu ispod 100%. Sve sudije i stručna saradnica su se pojedinačno izjasnili da normu nisu ispunili najvećim dijelom zbog nedovoljnog broja predmeta, kao i da u određenim predmetima imaju problema sa uručjenjem pismena strankama, a u pojedinim predmetima im vještaci nisu u ostavljenom roku dostavili svoje nalaze i mišljenje, pa predmete nisu mogli završiti iz tih razloga. Kao razloge su naveli i to da je u određenom broju predmeta na zahtjev stranaka i njihovih punomoćnika, odnosno u krivičnim predmetima branilaca optuženih dolazilo i do odlaganja ročišta, odnosno glavnog pretresa. U određenim krivičnim predmetima sudija iz objektivnih razloga nije mogao postupati, jer su optuženi nedostupni sudu i protiv njih su raspisane potjernice.

Sudije smatraju da bi im, pored obavezne kontinuirane obuke u minimalnom trajanju od 3 dana u toku godine, koja se realizuje preko Centra za edukaciju sudija i tužilaca u Federaciji Bosne i Hercegovine, a u cilju da njihove odluke budu što kvalitetnije, trebalo omogućiti da određen broj sati u okviru radnog vremena mogu proučavati stručnu literaturu i pratiti sudsku praksu, a koje vrijeme bi im bilo priznato u normu, koja je prema njihovoj ocjeni visoko postavljena za većinu referata.

IV. OSTVARENI KVALITET RADA U IZVJEŠTAJNOM PERIODU

Kvalitet sudskih odluka u izvještajnom periodu iznosio je 95,73%.

U toku izvještajnog perioda doneseno je ukupno 2540 odluka na koje je bilo moguće izjaviti pravni lijek. Ukupano je bilo 496 ožalbenih odluka, od čega je 214 odluka potvrđeno, 255 odluka je preinačeno, 26 odluka je ukinuto, 1 odluka je djelimično ukinuta, a 4 je odbačen pravni lijek.

| Red broj | Ime i prezime | Broj donesenih odluka na koje se može izjaviti pravni lijek | Ukupan broj ožalbenih odluka | Broj odbačenih pravnih lijekova | Broj potvrđenih odluka | Broj preinačenih odluka | Broj preinačenih odluka donijetih nakon održane glavne rasprave ili pretresa pred drugostepenim sudom | Broj ukinutih odluka | Broj djelimično ukinutih odluk | Kvalitet sudskih odluka |
|----------|--------------------|---|------------------------------|---------------------------------|------------------------|-------------------------|---|----------------------|--------------------------------|-------------------------|
| 1. | Almina Čilić | 153 | 10 | 0 | 7 | 2 | 0 | 1 | 0 | 92,34% |
| 2. | Elis Sultanić | 219 | 81 | 0 | 49 | 32 | 0 | 0 | 0 | 100,00% |
| 3. | Amra Muratbegović | 190 | 61 | 0 | 19 | 41 | 0 | 1 | 0 | 98,64% |
| 4. | Jasminka Pašić | 311 | 135 | 0 | 19 | 114 | 0 | 2 | 0 | 98,73% |
| 5. | Katarina Drmać | 196 | 29 | 1 | 20 | 6 | 0 | 3 | 0 | 91,86% |
| 6. | Mile Anić | 233 | 17 | 1 | 13 | 2 | 0 | 2 | 0 | 90,96% |
| 7. | Nesib Mustafić | 428 | 16 | 0 | 14 | 1 | 0 | 1 | 0 | 95,25% |
| 8. | Senada Brkan | 299 | 73 | 0 | 25 | 48 | 0 | 0 | 0 | 100,00% |
| 9. | Senada Dautbegović | 182 | 58 | 0 | 40 | 5 | 0 | 13 | 0 | 81,40% |
| 10. | Irma Čagalj | 177 | 16 | 2 | 8 | 4 | 0 | 3 | 1 | 83,10% |
| 11. | Alma Mašić | 152 | 0 | 0 | 0 | 0 | 0 | 0 | 0 | |
| | UKUPNO | 2540 | 496 | 4 | 214 | 255 | 0 | 26 | 1 | 95,73% |

Kada se ima u vidu činjenica da je kvalitet sudskih odluka u 2016. godini iznosio 88,73%, a u 2017. godini 95,73%, može se konstatovati da je kvalitet sudskih odluka donesenih u 2017. godini bolji za 7,00 % u odnosu na 2016. godinu.

Kao i ranijih godina najbolji kvalitet sudskih odluka bio na parničnom referatu. Kvalitet sudskih odluka na krivičnom i izvršnom referatu bolji je u odnosu na 2016. godinu, dok je ponovo na vanparničnom referatu najlošiji kvalitet sudskih odluka, mada se ne radi o velikom broju odluka koje su donesene u vanparničnom postupku i na koje je uložena žalba. Od 121 donesene odluke žalba je uložena na 18 odluka od kojih je 7 odluka ukinuto.

Kako bi odluke koje donose sudije bile što kvalitetnije, neophodno im je, pored obavezne kontinuirane obuke u minimalnom trajanju od 3 dana u toku godine, koja se realizuje preko Centra za edukaciju sudija i tužilaca u Federaciji Bosne i Hercegovine, omogućiti da određen broj sati u okviru radnog vremena mogu proučavati stručnu literaturu i pratiti sudsku praksu, a koje vrijeme bi im bilo priznato u normu.

V. OSTVARENI REZULTATI U IZVJEŠTAJNOM PERIODU U ODNOSU NA 2016. GODINU

Na početku 2017. godine ostalo je neriješeno iz prethodne godine 5165 svih vrsta predmeta, a u toku 2017. godine primljeno je ukupno 15643 predmeta, tako da je u radu bilo 20808 predmeta, od čega je riješeno 17386 predmeta, a na kraju izvještajnog perioda ostalo je 3422 neriješena predmeta.

Broj neriješenih predmeta na početku 2017. godine, broj primljenih predmeta u 2017. godini, ukupan broj predmeta u radu, ostvareni rezultati u izvještajnom periodu u pogledu broja riješenih predmeta, broj riješenih predmeta u odnosu na priliv po referatima, usporedba priliva i riješenih predmeta po referatima u odnosu na 2016. godinu prikazani su u tabelama koje slijede:

1. Protok predmeta u Sudu u 2016.godini

| Vrsta predmeta | Broj neriješenih predmeta sa 1.1.2016. | Broj primljenih predmeta tokom 2016. | Ukupan broj predmeta u radu tokom 2016. | Broj riješenih predmeta tokom 2016. | Broj neriješenih predmeta sa 31.12.2016. | Promjena broja neriješenih predmeta | Promjena broja neriješenih predmeta % | Odnos broja riješenih i neriješenih predmeta % |
|----------------------------|--|--------------------------------------|---|-------------------------------------|--|-------------------------------------|---------------------------------------|--|
| | I | II | III = I + II | IV | V = III - IV | VI = V-I | VII = V/I -1 | VIII = IV/V-1 |
| Parnični referat | 746 | 1519 | 2265 | 1620 | 645 | -101 | -13,54% | 151,16% |
| Krivični referat | 180 | 686 | 866 | 718 | 148 | -32 | -17,77% | 385% |
| Izvršni referat | 3647 | 1620 | 5267 | 2769 | 2498 | -1149 | 31,50% | 10,84% |
| Vanparnični referat | 615 | 772 | 1387 | 894 | 493 | -122 | -19,83% | 81,33% |
| Prekršajni predmeti | 1647 | 755 | 2402 | 1049 | 1353 | 294 | -17,85% | -22,47% |
| Zemljišno-knjižni predmeti | 29 | 12771 | 12800 | 12771 | 29 | 0 | 0 | |
| UKUPNO | 6864 | 18123 | 24987 | 19821 | 5166 | -1698 | -2474% | 283,68% |

2. Protok predmeta u Sudu u toku 2017. godine

| Vrsta predmeta | Broj neriješenih predmeta sa 1.1.2017. | Broj primljenih predmeta tokom 2017. | Ukupan broj predmeta u radu tokom 2017. | Broj riješenih predmeta tokom 2017. | Broj neriješenih predmeta sa 31.12.2017. | Promjena broja neriješenih predmeta | Promjena broja neriješenih predmeta % | Odnos broja riješenih i neriješenih predmeta % |
|----------------------------|--|--------------------------------------|---|-------------------------------------|--|-------------------------------------|---------------------------------------|--|
| | I | II | III = I + II | IV | V = III - IV | VI = V-I | VII = V/I -1 | VIII = IV/V-1 |
| Parnični referat | 645 | 806 | 1451 | 1255 | 196 | -449 | -0,70% | 5,40% |
| Krivični referat | 148 | 719 | 867 | 753 | 114 | -34 | -0,23% | 5,60% |
| Izvršni referat | 2497 | 1381 | 3878 | 2285 | 1593 | -904 | -036% | 0,43% |
| Vanparnični referat | 493 | 847 | 1340 | 919 | 421 | -72 | -0,15% | 1,18% |
| Prekršajni predmeti | 1353 | 676 | 2029 | 970 | 1059 | -294 | -022% | -0,08 |
| Zemljišno-knjižni predmeti | 29 | 11214 | 11243 | 11204 | 39 | 10 | 0,34 | 286,28 |
| UKUPNO | 5165 | 15643 | 20808 | 17386 | 3422 | -1743 | -0,34% | 4,08% |

Iz prednjih tabela je vidljivo da je ukupan priliv predmeta u 2017. godini, kada se uzmu u obzir i predmeti zemljišnoknjižnog odjeljenja, u odnosu na 2016. godinu bio manji za 2480 predmeta ili 13,68%. U parničnom referatu priliv u 2017. godini u odnosu na 2016. je bio manji za

713 predmeta ili 46,94%, u izvršnom referatu prilog je bio manji u 2017. u odnosu na 2016. za 239 predmeta ili 14,74%, u prekršajnom referatu prilog u 2017. je u odnosu na 2016. bio manji za 79 predmeta ili 10,46%, dok je u krivičnom referatu prilog u 2017. u odnosu na 2016. bio veći za 33 predmeta ili 4,81% i u vanparničnom referatu prilog je u 2017. u odnosu na 2016. bio veći za 75 predmeta ili 9,7%.

Kada se izvrši poređenje riješenih predmeta u 2017. u odnosu na 2016. godinu može se konstatovati da je u 2017. godini bez zk predmeta riješeno ukupno 6182 parničnih, krivičnih, izvršnih, vanparničnih i prekršajnih predmeta, a u 2016. godini 7050, iz čega proizilazi da je u 2017. godini riješeno 868 ili 12,31% predmeta manje nego u 2016. godini.

Ukupno posmatrano na kraju 2017. godine ostalo je 1744 ili 33,76% neriješenih predmeta manje nego na kraju 2016. godine. Kada se ima u vidu činjenica da je u 2017. godini riješeno 2435 predmeta manje nego u 2016. godini može se konstatovati da je u 2017. godini odnos riješenih i neriješenih predmeta iznosio 4,08% u korist riješenih predmeta.

3. Rezultati ostvareni u izvještajnom periodu po pojedinim referatima

KRIVIČNI REFERAT

Na krivičnom referatu iz 2016. godine u rad je preneseno 148 predmeta, a u toku izvještajnog perioda zaprimljeno je 719 predmeta, tako da je u radu bilo ukupno 867 predmeta, riješeno je 753 predmeta, a u radu je ostalo ukupno 114 predmeta, što je prikazano u tabeli koja slijedi:

| Redni broj | Referat | Broj neriješenih predmeta na početku izvještajnog perioda | Zaprimljeno u 2017. godini | Ukupno u radu u 2017. godini | Riješeno u 2017. godini | Neriješeni predmeti na kraju izvještajnog perioda |
|------------|---------|---|----------------------------|------------------------------|-------------------------|---|
| 1. | K | 95 | 161 | 256 | 207 | 49 |
| 2. | Kpp | 6 | 205 | 211 | 211 | |
| 3. | Kps | 26 | 172 | 198 | 176 | 22 |
| 4. | Kbs | 1 | 13 | 14 | 13 | 1 |
| 5. | Km | | 3 | 3 | 3 | |
| 6. | Kv | 4 | 76 | 80 | 76 | 4 |
| 7. | Iks | 16 | 85 | 101 | 64 | 37 |
| 8. | K-Kp | | 1 | 1 | 1 | |
| 9. | K-Mpom | | 2 | 2 | 1 | 1 |
| 10. | Km-Kpp | | 1 | 1 | 1 | |
| UKUPNO | | 148 | 719 | 867 | 753 | 114 |

PARNIČNI REFERAT

Na parničnom referatu je iz 2016. godine preneseno u rad 645 predmeta, tokom izvještajnog perioda zaprimljeno je 806 predmeta, tako da je u radu ukupno bilo 1451 predmeta, riješeno je 1255, a na kraju izvještajnog perioda u radu je ostalo ukupno 196 predmeta, što je prikazano u tabeli koja slijedi:

| Redni broj | Referat | Broj neriješenih predmeta na početku izvještajnog perioda | Zaprimljeno u 2017. godini | Ukupno u radu u 2017. godini | Riješeno u 2017. godini | Neriješeni predmeti na kraju izvještajnog perioda |
|------------|---------|---|----------------------------|------------------------------|-------------------------|---|
|------------|---------|---|----------------------------|------------------------------|-------------------------|---|

| | | | | | | |
|--------|-----------------------------------|-----|-----|------|------|-----|
| 1. | P | 132 | 200 | 332 | 251 | 81 |
| 2. | Mal | 273 | 549 | 822 | 729 | 93 |
| 3. | Rs | 234 | 44 | 278 | 257 | 21 |
| 4. | P-Mpom | 1 | 3 | 4 | 4 | |
| 5. | P-Mo | 5 | 9 | 14 | 13 | 1 |
| 6. | Mal-Mo | | 1 | 1 | 1 | |
| UKUPNO | | 645 | 806 | 1451 | 1255 | 196 |
| | Od toga komunalni (bez RTV takse) | 0 | 0 | 0 | 0 | |
| | Komunalni naplate RTV takse | 232 | 458 | 690 | 629 | 61 |
| | Ukupno komunalni | 232 | 458 | 690 | 629 | 61 |

IZVRŠNI REFERAT

Na izvršnom referatu je iz 2016. godine ukupno preneseno u rad 2333 predmeta, tokom izvještajnog perioda zaprimljeno je 1259 predmeta, tako da je ukupno bilo u radu 3592 predmeta, riješeno je 2090 a na kraju izvještajnog perioda u radu je ostalo ukupno 1502 predmeta, što je prikazano u tabeli koja slijedi:

| Redni broj | Referat | Broj neriješenih predmeta na početku izvještajnog perioda | Zaprimljeno u 2017. godini | Ukupno u radu u 2017. godini | Riješeno u 2017. godini | Neriješeni predmeti na kraju izvještajnog perioda |
|------------|-----------------------------------|---|----------------------------|------------------------------|-------------------------|---|
| 1. | I | 2333 | 1259 | 3592 | 2090 | 1502 |
| 2. | Ip | 164 | 120 | 284 | 193 | 91 |
| 3. | I-Mpom | | 2 | 2 | 2 | |
| UKUPNO | | 3647 | 1620 | 5267 | 2769 | 2498 |
| | Od toga komunalni (bez RTV takse) | 1174 | 681 | 1855 | 1176 | 679 |
| | Komunalni naplate RTV takse | 1950 | 706 | 2656 | 1478 | 1178 |
| | Ukupno komunalni | 3124 | 1387 | 4511 | 2654 | 1857 |

VANPARNIČNI REFERAT

Na vanparničnom referatu je iz 2016. godine ukupno preneseno u rad 493 predmeta, tokom izvještajnog perioda zaprimljena su 847 predmeta, tako da je ukupno bilo u radu 1340 predmeta, riješeno je 919, a na kraju izvještajnog perioda u radu je ostalo ukupno 421 predmet, kao što je prikazano u tabeli koja slijedi:

| Redni broj | Referat | Broj neriješenih predmeta na početku izvještajnog perioda | Zaprimljeno u 2017. godini | Ukupno u radu u 2017. godini | Riješeno u 2017. godini | Neriješeni predmeti na kraju izvještajnog perioda |
|------------|---------|---|----------------------------|------------------------------|-------------------------|---|
| 1. | V | 51 | 110 | 161 | 125 | 36 |
| 2. | O | 435 | 723 | 1158 | 774 | 384 |
| 3. | V-Mpom | 7 | 14 | 21 | 20 | 1 |
| UKUPNO | | 493 | 847 | 1340 | 919 | 421 |

Kao i prethodne godine razlog ovako velikog broja neriješenih vanparničnih ostavinskih predmeta (384), leži u činjenici da se ti predmeti shodno Zakonu o nasljeđivanju povjeravaju notarima, koji ih završavaju znatno sporije nego što je to bilo dok su ti predmeti rješavani od strane sudija.

PREKRŠAJNO ODJELJENJE

Na prekršajnom referatu iz 2016. godine ukupno je preneseno u rad 1353 predmeta, tokom izvještajnog perioda zaprimljeno je 676 predmeta, tako da je ukupno bilo u radu 2029 predmet, riješeno je 970 predmeta, a na kraju izvještajnog perioda u radu je ostalo ukupno 1059 predmeta, kao što je prikazano u tabeli koja slijedi:

| Redni broj | Referat | Broj neriješenih predmeta na početku izvještajnog perioda | Zaprimljeno u 2017. godini | Ukupno u radu u 2017. godini | Riješeno u 2017. godini | Neriješeni predmeti na kraju izvještajnog perioda |
|------------|---------|---|----------------------------|------------------------------|-------------------------|---|
| 1. | Pr | 130 | 419 | 549 | 472 | 77 |
| 2. | Ips | 1223 | 237 | 1460 | 478 | 982 |
| 3. | Pr-Mpom | | 3 | 3 | 3 | |
| 4. | Pr-Prpp | | 17 | 17 | 17 | |
| UKUPNO | | 1353 | 676 | 2029 | 970 | 1059 |

Kao i prethodnih godina u ovom sudu, a prema našim saznanjima i u drugim sudovima u Federaciji BiH postoji veliki broj neriješenih predmeta izvršenja prekršajnih sankcija (Ips-predmeti), čiji broj se i dalje povećava. Iako smo nadležnim organima predlagali određena rješenja, ništa se u tom pravcu nije promijenilo. Ips predmeti ne ulaze u normu sudije, što dodatno otežava problem, pa bi te predmete svakako trebalo normirati, čime bi se i sudije stimulisale da u okviru postojećih zakonskih priopisa traže načine kako riješiti što veći broj tih predmeta,

ZEMLJIŠNO-KNJIŽNI PREDMETI

| Redni broj | Referat | Broj neriješenih | Zaprimljeno u 2017. | Ukupno u radu u | Riješeno u 2017.god. | Neriješeni predmeti na kraju |
|------------|---------|------------------|---------------------|-----------------|----------------------|------------------------------|
|------------|---------|------------------|---------------------|-----------------|----------------------|------------------------------|

| | | predmeta na početku izvještajnog perioda | god. | 2017. god. | | izvještajnog perioda |
|--------|---------------|---|-------|------------|-------|-------------------------|
| 1. | Dn | 29 | 1884 | 1913 | 1874 | 39 |
| 2. | Nar | | 6858 | 6858 | 6858 | |
| 3. | Rz | | 1558 | 1558 | 1558 | |
| 4. | Kpu | | 408 | 408 | | |
| 5. | Us.Z.k.uloška | | 506 | 506 | 506 | |
| UKUPNO | | 29 | 11214 | 11243 | 11204 | 39 |

U Zemljišno-knjižnom odjeljenju ovoga suda od ukupno 11243 predmeta, koliko ih je u izvještajnom periodu bilo u radu, kao što je vidljivo iz prednje tabele, ostalo je neriješenih 39 Dn predmeta, što je veoma pohvalno, imajući u vidu probleme sa kojima se u toku 2017. godine susretalo to odjeljenje.

S obzirom na činjenicu da ne postoje egzaktni pokazatelji zbog čega je i u 2017. godini nastavljen trend smanjenog priliva predmeta u ovom sudu, a prema nama dostupnim informacijama i u većini drugih sudova, možemo samo nagađati zbog čega je to tako. Moglo bi se zaključiti da je to i u vezi sa sve većim odlaskom naših građana iz Bosne i Hercegovine, pa ima manje onih prema kojima bi se mogli pokrenuti izvršni ili parnični postupci, kao i sa sve lošijim materijalnim položajem naših građana, koji nemaju novca za skupe sudske procese. Očito je da je došlo do povećanja kriminaliteta, jer je u 2017. godini povećan broj krivičnih predmeta u odnosu na 2016. godinu. Broj prekršajnih predmeta je smanjen možda iz istih razloga zbog kojih je smanjen i broj parničnih i izvršnih predmeta, a možda i zbog činjenice da počinioci prekršaja koriste zakonom predviđenu mogućnost da plate pola novčane kazne, ukoliko to učine u roku od 8 dana, od dana kada im je izdat prekršajni nalog, pa je manje zahtjeva za sudske odlučivanje po prekršajnom nalogu. Povećanje broja vanparničnih predmeta, pogotovo ostavinskih, čiji je priliv u 2017. godini iznosio 723, a u 2016. godini 630, može biti pokazatelj da nam građani više umiru. Ipak možemo samo nagađati zašto je smanjen priliv predmeta u Sud, jer zvaničnih istraživanja u tom pravcu nije bilo.

POSLOVI SUDSKE UPRAVE

Od januara 2016. godine predmeti sudske uprave ovoga suda se evidentiraju u CMS-u.

U izvještajnom periodu bilo je 1340 Su predmeta, 11 predmeta „SuAp“ koji se odnose na zahtjeve Ustavnog suda BiH za odgovor na apelaciju stranaka na odluke Suda, 7 predmeta „Su Sp“ koji se odnose na poslove sudske policije, 11 predmeta Su-IT, 537 finansijskih predmeta sa oznakom Su-Fin, 200 predmeta koji se odnose na dostavu podataka Su-Dp, 110 predmeta sa oznakom Su-Spi koji se odnose na slobodu pristupa informacijama. Iako to u CMS-u nije iskazano, svi predmeti sudske uprave se odmah, nakon što budu zaprimljeni u Sudu, uzimaju u rad i rješavaju, ali se odmah ne iskažu završenim u CMS-u, već se to čini naknadno, jer prema sadašnjim postavkama u CMS-u zadatak za postupanje po predmetu, kao i iskazivanje predmeta završenim u CMS-u može vršiti samo predsjednica suda kojoj je to dodatni posao, s obzirom da radi i kao sudija na krivičnom referatu, jer ima obavezu da pored poslova sudske uprave radi i kao sudija i ostvaruje 50 % sudijske norme.

U Upisnik za razne krivične predmete „Kr“ upisano je 759 predmeta, od toga manuelno je vođeno 217 predmeta, a kroz CMS 542 predmeta. U Upisnik za predmete ovjere isprava namijenjenih inozemstvu „Ov-H“- upisano je 460 predmeta.

Donesen je određeni broj odluka i uputstava u cilju osiguranja urednog i blagovremenog obavljanja poslova sudske uprave.

Radi stručnog usavršavanja sudije i stručni saradnici su u 2017. godini učestvovali na određenom broju seminara, shodno referatima na kojima rade, a prema ličnom izboru iz Programa stručnog usavršavanja koji svake godine priprema Centar za edukaciju sudija i tužilaca u Federaciji BiH, u saradnji sa relevantnim domaćim i stranim organima i organizacijama..

U 2017. godini u skladu sa Planom nabavki, nabavljen je jedan fotokopir aparat, jedan metalni sef za čuvanje dokaznog materijala-vatrenog oružja i jedan mali sef za čuvanje dragocjenosti. Nabavljeni su novi itisoni za sve kancelarije u zgradi Suda , kao i nove staze za hodnike u zgradi Suda.

Odjeljenje sudske policije Hercegovačko-neretvanskog kantona Mostar, od 01.07. 2017. godine, prestalo je da nakon isteka radnog vremena (od 08:00 do 16:00 sati) vrši tehničko i fizičko obezbjeđenje zgrade Općinskog suda u Konjicu, kao i prostorije Zemljišnoknjižnog odjeljenja ovog suda. Zbog nastale situacije, a u cilju dodatnog obezbjeđenja objekta i nakon isteka radnog vremena, Sud je izvršio nabavku i ugradnju metalnih rešetki za ulazna vrata u zgradu Suda, kao i metalnih rešetki sa vanjske strane, za nedostajeće prozore u prizemlju zgrade Suda.

VI. OSTVARENI REZULTATI U RADU SUDA NA STARIM PREDMETIMA

U Planu rješavanja predmeta za 2017. godinu u Općinskom sudu u Konjicu bilo je ukupno 1236 predmeta, a do 31.12.2017. godine riješeno 1184 predmeta, 95,79% predmeta iz Plana.

U tabeli koja slijedi prikazana je starosna struktura predmeta koji su bili u Planu rješavanja predmeta za 2017. godinu, kao i njihova riješenost.

OPĆINSKI SUD U KONJICU

Stvarni početak predmeta : ... - 01.01.2001 01.01.2006 01.01.2011 01.01.2015 01.01.2017
31.12.2000 31.12.2005 31.12.2010 31.12.2014 31.12.2016 - ...

| | | | | | | | | |
|--------------------|--------|---------|---------|---------|---------|--------|---|--------|
| IZVRŠNO | B: | 0 | 2 | 79 | 128 | 290 | 0 | 499 |
| | C: | 0 | 1 | 72 | 115 | 272 | 0 | 460 |
| | G=C/B: | | 50,00% | 91,14% | 89,84% | 93,79% | | 92,18% |
| KRIVIČNO | B: | 0 | 0 | 2 | 18 | 107 | 0 | 127 |
| | C: | 0 | 0 | 2 | 15 | 104 | 0 | 121 |
| | G=C/B: | | | 100,00% | 83,33% | 97,20% | | 95,28% |
| PARNIČNO | B: | 0 | 0 | 13 | 24 | 377 | 0 | 414 |
| | C: | 0 | 0 | 12 | 23 | 375 | 0 | 410 |
| | G=C/B: | | | 92,31% | 95,83% | 99,47% | | 99,03% |
| PREKRŠAJNO | B: | 0 | 0 | 0 | 0 | 132 | 0 | 132 |
| | C: | 0 | 0 | 0 | 0 | 131 | 0 | 131 |
| | G=C/B: | | | | | 99,24% | | 99,24% |
| VANPARNIČNO | B: | 1 | 2 | 6 | 6 | 49 | 0 | 64 |
| | C: | 1 | 2 | 5 | 6 | 48 | 0 | 62 |
| | G=C/B: | 100,00% | 100,00% | 83,33% | 100,00% | 97,96% | | 96,88% |
| | B: | 1 | 4 | 100 | 176 | 955 | 0 | 1236 |
| | C: | 1 | 3 | 91 | 159 | 930 | 0 | 1184 |
| | G=C/B: | 100,00% | 75,00% | 91,00% | 90,34% | 97,38% | | 95,79% |

U koloni B: prikazan je broj predmeta prema godini iniciranja, a koji su bili u Planu rješavanja predmeta, u koloni pod C: broj predmeta koji su riješeni, a u koloni pod G: procenat riješenosti predmeta koji su bili u Planu.

VII. TRAJANJE POSTUPKA

Prosječno trajanje postupka po referatima prikazano je u tabeli koja slijedi:

| Referat | Broj riješenih predmeta | Prosjek trajanja (dana) |
|-------------|-------------------------|-------------------------|
| Parnični | 1255 | 196 |
| Krivični | 753 | 97 |
| Izvršni | 2285 | 874 |
| Prekršajni | 970 | 657 |
| Vanparnični | 919 | 230 |

S obzirom na optimalne i predvidive rokove utvrđene u Odluci o predvidivim rokovima za 2017. godinu , može se konstatovati da su parnični i krivični predmeti u 2017. godini rješavani u okviru predvidivih rokova.

Dugo trajanje postupka kod izvršnih predmeta je uglavnom zbog komunalnih predmeta. Pored toga kod ovog suda ima veći broj izvršnih predmeta pokrenutih na osnovu vjerodostojne isprave: protestirane mjenice i mjenice sa klauzulom „bez protesta“. U ovim predmetima, redovno je na strani izvršenika više lica, od dva pa navise, izvršenje je predloženo na više predmeta/sredstava izvršenja, a uvijek i na pokretnim stvarima, što značajno usporava rješavanje ovih predmeta. U pojedinim predmetima izvršenje je bilo nad nepokretnostima. Treba istaći i činjenicu da je ovaj sud nadležan za općine Konjic, Jablanica i Prozor/Rama, koje zauzimaju veliki teritorij, a Sud ima dva sudska izvršioca, što sve utiče na dužinu trajanja izvršnog postupka.

Što se tiče predmeta krivičnog postupka, oni su uglavnom rješavani u okviru optimalnih i predvidivih rokova, a postupak u nekim od tih predmeta duže traje uglavnom zbog činjenice da optuženi često koriste sve procesne mogućnosti kako bi odugovlačili postupak, a pored toga postoji određeni broj optuženih lica koji su nedostupni Sudu i za kojima je raspisana potjernica.

Kod predmeta izvršenja prekršajnih sankcija postupak duže traje zbog činjenice da kažnjena lica izbjegavaju platiti izrečenu novčanu kaznu, te činjenice da je određena rješenja iz Zakona o prekršajima nemoguće primjeniti u praksi zbog nepostojanja provedbenih podzakonskih propisa, tako da u većini prekršajnih predmeta dolazi do zastarjelosti izvršenja izrečene prekršajne sankcije.

Što se tiče predmeta vanparničnog postupka može se konstatovati da su određeni predmeti te vrste rješavani u okviru optimalnih i predvidivih rokova, dok je kod određene vrste tih predmeta prekoračen predvidivi rok koji je Odlukom utvrđen iz procesnih razloga, kao i zbog vrste tih vanparničnih predmeta, što se posebno odnosi na postupke uređenja imovinskih odnosa.

Iz sadržaja Izvještaj o poštivanju optimalnih i predvidivih rokova u periodu od 01.01.2017. do 31.12.2017. godine, koji je kreiran u CMS-u, proizilazi da je prosječno trajanje svih riješenih predmeta u Općinskom sudu u Konjicu iznosilo 221 dan, što je smanjenje trajanja postupka u odnosu na 2016. godinu kada je prosječno trajanje svih riješenih predmeta iznosilo 244 dana. Prosječno trajanje svih neriješenih predmeta u 2017. godini iznosilo je 304 dana, što je manje u odnosu na 2016. godinu, kada je prosječno trajanje svih neriješenih predmeta u Sudu iznosilo 321 dan. Iz naprijed navedenog je vidljivo da je i u 2017. godini, nastavljen trend smanjenja dužine trajanja sudskih postupaka.

VIII. OSTVARENI REZULTATI NA PREDMETIMA KORUPCIJE

| Broj neriješenih predmeta na početku 2017. godine | Broj primljenih predmeta u toku 2017. godine | Ukupan broj predmeta u radu u 2017. godini | Broj riješenih predmeta u 2017. godini | Broj neriješenih predmeta u 2017. godini |
|---|--|--|--|--|
| 4 | 14 | 18 | 13 | 5 |

Prema navedenim podacima vidljivo je da je Sud u 2017. godini zaprimio 14 predmeta koji se odnose na koruptivna krivična djela, i to: 5 predmeta koja se odnose na krivično djelo Zloupotreba službenog položaja ili ovlaštenja iz člana 383. stav 1. KZ FBiH, 2 predmeta koja se odnose na krivično djelo Zloupotreba službenog položaja ili ovlaštenja iz člana 383. stav 2. KZ FBiH, 3 predmeta krivično djelo Pronevjera u službi iz člana 384. stav 1. KZ FBiH, i 4 predmeta Nesavjestan rad u službi iz člana 387. stav 1. KZ FBiH. Iz 2016. godine u rad je preneseno 4 predmeta i to: 1 predmeta Zloupotreba službenog položaja ili ovlaštenja iz člana 383. stav 1. KZ FBiH, 1 predmet Pronevjera u službi iz člana 384. stav 1. KZ FBiH, 1 predmeta Nesavjestan rad u službi iz člana 387. stav 1. KZ FBiH i 1 predmet Krivotvorenje službene isprave iz člana 389. stav 2. KZ FBiH.

U toku 2017. godine riješeno je 13 predmeta i to: 6 predmeta Zloupotreba službenog položaja ili ovlaštenja iz člana 383. stav 1. KZ FBiH, 1 predmeta Zloupotreba službenog položaja ili ovlaštenja iz člana 383. stav 2. KZ FBiH, 2 predmeta Pronevjera u službi iz člana 384. stav 1. KZ FBiH i 4 predmeta Nesavjestan rad u službi iz člana 387. stav 1. KZ FBiH.

Ostala su neriješena 5 predmeta i to: 1 predmet Zloupotreba službenog položaja ili ovlaštenja iz člana 383. stav 2. KZ FBiH, 2 predmet Pronevjera u službi iz člana 384. stav 1. KZ FBiH, 1 predmet Nesavjestan rad u službi iz člana 387. stav 1. KZ FBiH i 1 predmet Krivotvorenje službene isprave iz člana 389. stav 2. KZ FBiH.

IX. ZASTARJELOST PREDMETA

Zastarjelost pokretanja i vođenja krivičnih i prekršajnih postupaka

U Općinskom sudu u Konjicu u 2017. godini, kao ni u 2016. godini nije bilo predmeta u kojima je nastupila zastarjelost pokretanja ili vođenja krivičnih ili prekršajnih postupaka.

Apsolutna zastarjelost izvršenja prekršajnih sankcija nastupila je u 254 Ips predmeta, a razloge zastarjelosti, kao i prijedloge kako to prevazići, smo naveli u dijelu kod prekršajnih predmeta, kao i u našim ranijim izvještajima.

Relativna zastarjelost izvršenja prekršajnih sankcija nastupila je u 1 Ips predmetu.

X. ZAKLJUČNA ZAPAŽANJA O RADU SUDA

Na osnovu prikazanih statističkih podataka i informacija navedenih u ovom izvještaju, a imajući u vidu broj neriješenih predmeta, orijentacionu normu i broj sudija koji rade na osnovnim referatima može se zaključiti da bi u 2018. godini Sud mogao postati ažuran u rješavanju svih predmeta, izuzev izvršnih.

Kao što je već naprijed istaknuto do smanjenja ostvarene norme na nivou Suda, kao i kod pojedinih sudija i stručne saradnice, uglavnom je došlo zbog smanjenog priliva predmeta.

S obzirom da Sudu nedostaje prostora za adekvatan rad, o čemu smo pisali i u našim ranijim izvještajima, u 2018. godini se planira nastavak aktivnosti u cilju trajnog i kvalitetnog rješenja smještajnih kapaciteta ovoga suda.

Takođe se planira konačna uspostava rada Odjeljenja ovoga suda u Prozor-Rami koje je predviđeno odredbom člana 3. Zakona o izmjenama i dopunama Zakona o sudovima u Federaciji BiH („Službene novine F BiH“ broj: 7/13 od 13.01.2013. godine), a koje zbog nepostojanja potrebnih finansijskih sredstava još nije počelo sa radom.

U 2018. godini će se nastaviti sa uređenjem web stranice Suda, kako bi se obogatio njen sadržaj, a sve u cilju informisanja javnosti o radu ovoga suda, i transparentnosti njegovog rada.

DOSTAVLJENO:

1. VSTV-u BiH;
2. Ministarstvu pravosuđa, uprave i lokalne samouprave HNK-a;
3. Kantonalnom sudu u Mostaru;
4. Web stranica Suda
5. a/a



